

南齊書卷十

梁

蕭

子

顯

撰

志第二

禮下

建元四年高帝山陵昭皇后應遷祔祠部疑有祖祭及遣啟諸奠九飯之儀不左僕射王儉議奠如大斂賀循云從墓之墓皆設奠如將葬廟朝之禮范甯云將窆而奠雖不稱爲祖而不得無祭從之有司又奏昭皇后神主在廟今遷祔葬廟有虞以安神神既已處廟改葬出靈豈應虞祭鄭注改葬云從廟之廟禮宜同從墓之墓事何容異前代謂應無虞左僕射王儉議范甯云葬必有魂車若不爲其歸神將安舍世中改葬卽墓所施靈設祭何得不祭而毀耶賀循云旣窆設奠於墓以終其事雖非正虞亦粗相似晉氏脩復五陵宋朝敬后改葬皆有虞今設虞非疑從之

建元二年皇太子妃薨前宮臣疑所服左僕射王儉議禮記文王世子父在斯爲子君在斯爲臣且漢魏以來宮僚充備臣隸之節具體在三普廣翼妻喪王允滕弘謂府吏宜有小君之服況臣節之重邪宜依禮爲舊君妻齊衰三月居官之身並合屬假朝晡臨哭悉繫東宮今臣之末從官在遠者於居官之所屬

寧二日半仍行喪成服遣賻表不得奔赴從之

太子妃斬草乘黃議建銘旌僕射王儉議禮既塗棺祝取銘置于殯東大斂畢便應建于西階之東
宋大明二年太子妃薨建九旒有司又議斬草日建旒與不若建旒應幾旒及畫龍升降云何又用幾襲
僕射王儉議旒本是命服無關於凶事今公卿以下平存不能備禮故在凶乃建耳東宮秩同上公九命
之儀妃與儲君一體議不容異無緣未同常例別立凶旒大明舊事是不經詳議率爾便行耳今宜考以
禮典不得効尤從失吉部伍自有桁輅凶部別有銘旌若復立旒復置何處襲自用八從之

有司奏大明故事太子妃玄宮中有石誌參議墓銘不出禮典近宋元嘉中顏延作王球石誌素族無碑
策故以紀德自爾以來王公以下咸共遵用儲妃之重禮殊恒列既有哀策謂不須石誌從之

有司奏穆妃卒哭後靈還在道過朔望當須設祭不王儉議既虞卒哭祭之於廟本是祭序昭穆耳未全
同卒吉四時之祭也所以有朔望殷事舊國不行權制宋江夏王妃卒哭以後朔望設祭帝室既以卒哭
除喪無緣方有朔望之祭靈筵雖未升廟堂而舫中卽成行廟猶如桓玄及宋高祖長沙臨川二國並有
移廟之禮豈復謂靈筵在途便設殷事耶推此而言朔望不復俟祭宋懿后時舊事不及此益可知時議
從之

建元三年有司奏皇太子穆妃以去年七月薨其年閏九月未審當月數閏爲應以閏附正月若用月數數閏者南郡王兄弟便應以此四月晦小祥至於祥月不爲有疑不左僕射王儉議三百六旬尙書明義文公納幣春秋致譏穀梁云積分而成月公羊云天無是月雖然左氏謂告朔爲得禮是故先儒咸謂三年期喪歲數沒閏大功以下月數數閏夫閏者蓋是年之餘日而月之異朔所以吳商云含閏以正期允協情理今杖期之喪雖以十月而小祥至於祥編必須周歲凡厭屈之禮要取象正服祥編相去二月厭降小祥亦以則之又且求之名義則小祥本以年限考於倫例則相去必應二朔今以厭屈而先祥不得謂此事之非期事既同條情無異貫沒閏之理固在言先設令祥在此晦則去編三月依附准例益復爲礙謂應須五月晦乃祥此國之大典宜共精詳并通關八座丞郎研盡同異尙書令褚淵難儉議曰厭屈之典由所尊奪情故祥編備制而年月不申今以十一月而祥從期可知既計以月數則應數閏以成典若猶舍之何以異於編制疑者正以祥之當閏月數相縣積分餘閏厯象所引計月者數閏故有餘月計年者苞含故致盈積稱理從制有何不可儉又荅淵難曰含閏之義通儒所難但祥本應期屈而不遂語事則名體具存論哀則情無以異迹雖數月義實計年閏是年之歸餘故宜總而苞之期而兩祥緣尊故屈祥則沒閏象年所申屈申兼著二途具舉經記之旨其在茲乎如使五月小祥六月乃閏則祥之去編

事成二月是爲十一月以象前期二朔以放後歲名有區域不得相參魯襄二十八年十二月乙未楚子卒唯書上月初不言閏此又附上之明義也鄭射王賀唯云期則沒閏初不復區別杖期之中祥將謂不俟言矣成休重云大祥後禫有閏別數之明杖期之祥不得方於綬縞之末卽恩如彼就例如此淵又據舊義難儉十餘問儉隨事解釋祠部郎中王珪之議謂喪以閏施功衰以下小祥值閏則略而不言今雖厭祥名猶存異於餘服計月爲數屈追慕之心以遠爲邇日旣餘分月非正朔含而全制於情唯允僕射儉議理據詳博謹所附同今司徒淵始雖疑難再經往反未同儉議依舊八座丞郎通共博議爲允以來五月晦小祥其祥禫自依常限奏御班下內外詔可

皇太子穆妃服尙書左丞兼著作郎王遵問左僕射王儉中軍南郡王小祥應待聞喜不穆妃七月二十四日薨聞喜公八月發哀計十一月之限應在六月南郡王爲當同取六月則大祥復甲一月應用八月非復正月在存親之義若各自爲祥廬塋相間玄素雜糅未審當有此疑不儉曰送往有已復生有節罔極非服制所申祥縞明示終之斷相待之義經記無聞世人多以廬室衰麻不宜有異故相去一二月者或申以俱除此所謂任情徑行未達禮旨昔撰喪記已嘗言之遠邇之人自有爲而未祭在家之子立何辭以不變禮有除喪而歸者此則經記之遺文不待之明據假使應待則相去彌年亦宜必待乃爲衰縵

承服以窮生吉蠲長絕於宗廟斯不可矣荀曰非宜則旬月之間亦不容申何者禮有倫序義無徒設今違則不待近必相須禮例既乖卽心無取若疑兄弟同居吉凶舛雜則古有異宮之義設無異宮則違還之子自應開立別門以終喪事靈筵祭奠隨在家之人再期而毀所以然者奔喪禮云爲位不奠鄭玄云以其精神不存乎此也聞哀不時寔緣在遠爲位不奠益有可安此自有爲而然不關嫡庶庶子在家亦不待嫡矣而況儲妃正體王室中軍長嫡之重天朝又行權制進退彌復非疑謂不應相待中軍祥縞之日聞喜致哀而已不受弔慰及至忌辰變除昆弟亦宜相就寫情而不對客此國之大典宜通關八座丞郎共盡同異然後奏御司徒褚淵等二十人並同儉議爲允請以爲永制詔可

建元三年太子穆妃薨南郡王開喜公國臣疑制君母服儉又議禮庶人爲國君齊衰先儒云庶人在官若府史之屬是也又諸侯之大夫妻爲夫人服總衰七月以此輕微疎遠故不得盡禮今皇孫自是蕃國之王公太子穆妃是天朝之嫡婦宮臣得申小君之禮國官豈敢爲夫人之敬當單衣白紵素帶哭于中門外每臨輓入與宮官同

永明十一年文惠太子薨右僕射王晏等奏案喪服經爲君之父長子同齊衰期今至尊既不行三年之典止服期制羣臣應降一等便應大功九月功衰是兄弟之服不可以服尊臣等參議謂宜重其衰裳減

其月數同服齊衰三月至於太孫三年既申南郡國臣宜備齊衰期服臨汝曲江既非正嫡不得禫先儲二公國臣並不得服詔依所議又奏案喪服經雖有妾爲君之長子從君而服二漢以來此禮久廢請因循前准不復追行詔曰既久廢停便

又奏伏尋御服文惠太子期內不奏樂諸王雖本服期而儲皇正體宗廟服者一同釋服奏樂姻娶便應並通竊謂二等誠俱是嘉禮輕重有異娶婦思嗣事非全吉三日不樂禮有明文宋世期喪降在大功者婚禮廢樂以申私戚通以前典詔依議

又奏案禮祥除皆先於今夕易服明旦乃設祭尋比世服臨然後改服與禮爲乖今東宮公除日若依例皇太孫服臨方易服臣等參議謂先哭臨竟而後祭之應公除者皆於府第變服而後入臨行奉慰之禮詔可

建武二年朝會時世祖遇密未終朝議疑作樂不祠部郎何佟之議音舜受終文祖義非瘠薨及放勳徂落遇密三祀近代晉康帝繼成帝于時亦不作樂懷帝永嘉元年惠帝喪制未終于時江充議云古帝王相承雖世及有異而輕重同禮從之

建武二年正月有司以世祖文皇帝今二年正月二十四日再忌日二十九日大祥三月二十九日祥禫

至尊及羣臣泄哀之儀應定准下二學八座丞郎博士陶韶以爲名立義生自古之制文帝正號祖宗式序昭穆祥忌禪日皇帝宜服祭服出太極泄哀百僚亦祭服陪位太常丞李攜議曰尋尊號既追重服宜正但已從權制故苴杖不說至於鑢燧既同天地亦變容得無感乎且晉景獻皇后崩羣臣備小君之服追尊之后無違后典追尊之帝固宜同帝禮矣雖臣子一例而禮隨時異至尊龍飛中興事非嗣武理無深衣之變但王者體幽亦應弔服出正殿舉哀百寮致慟一如常儀給事中領國子助教謝墨濟議夫喪禮一制限節兩分虞祔追亡之情小祥抑存之禮斯蓋至愛可申極痛宜屈耳文皇帝雖君德早凝民化未治追崇尊極寔緣于性今言臣則無實論已則事虛聖上取寓更奉天眷祇禮七廟非從三后周忌祥禪無所依設太學博士崔愷同陶韶議太常沈淡同李攜議國子博士劉警等同謝墨濟議祠部郎何佟之議曰春秋之旨臣子繼君親雖恩義有殊而其禮則一所以敦資敬之情篤方喪之義主上雖仰嗣高皇嘗經北面方今聖祚御宇垂訓無窮在三之恩理不容替竊謂世祖祥忌至尊宜弔服升殿羣臣同致哀感事畢百官詣宣德宮拜表仍致哀陵園以引追遠之慕尙書令王晏等十九人同佟之議詔可海陵王薨百官會哀時纂嚴朝議疑戎服臨會祠部郎何佟之議羔裘玄冠不以弔理不容以兵服臨喪宋泰始二年孝武大祥之日于時百寮入臨皆於宮門變戎服著衣帻入臨畢出外還襲戎衣從之

贊曰姬制孔作訓範百王三千有數四維是張損益彝典廢舉憲章戎祀軍國社廟郊庠冠爲朝會服緹
凶喪存爲盛德戒在先亡

南齊書卷十考證

禮志下鄮射王賀○

臣祖康

按爲鄮玄射慈王肅賀循也

于時江充譏云○諸本同南監本作何充當從之

南齊書卷十考證

南齊書卷十一

梁

蕭

子

顯

撰

志第三

樂

南郊樂舞歌辭二漢同用見前漢志五郊互奏之魏歌舞不見疑是用漢辭也晉武帝泰始二年郊祀明堂詔禮遵用周室肇稱殷祀之義權用魏儀後使傅玄造祀天地五郊夕牲歌詩一篇迎神歌一篇宋文帝使顏延之造郊天夕牲迎送神饗神歌詩三篇是則宋初又仍晉也建元二年有司奏郊廟雅樂歌辭舊使學士博士撰搜簡採用請敕外凡肄學者普令製立參議太廟登歌宜用司徒褚淵餘悉用黃門郎謝超宗辭超宗所撰多刪顏延之謝莊辭以爲新曲備改樂名永明二年太子步兵校尉伏曼容上表宜集英儒刪纂雅樂詔付外詳竟不行

羣臣出入奏肅威之樂

黃承寶命

嚴恭帝緒

奄受數錫

升中拓宇

亘地稱皇

鑿天作主

月域來賓

日際奉土

開元首正

禮交樂舉

六典職事

九官列序

此下除四句皆顏辭

牲出入奏引牲之樂

皇平敬矣

恭事上靈

昭教國祀

肅肅明明

有牲在滌

有絜在俎

以薦王衷

以荅神祐

此上四句顏辭

陟配在京

降德在民

奔精望夜

高燎仁晨

薦豆呈毛血奏嘉薦之樂

我恭我享

惟孟之春

以孝以敬

立我蒸民

青壇奄露

翠幙端凝

嘉俎重薦

兼籍再升

設業設簠

展容玉庭

肇禋配祀

克對上靈

此一篇增損謝辭

右夕牲歌並重奏

迎神奏昭夏之樂

惟聖饗帝

惟孝饗親

此下除四句

禮行宗祀

敬遠郊禋

金枝中樹

廣樂四陳

此下除

月御案節

星驅扶輪

遙興遠駕

曜曜振振

告成大報

受齋元神

皇帝入壇東門奏永至之樂

紫壇望靈

靈幙仁神

率天奉贊

馨地來賓

神貺並介

泯祇合祉

恭昭鑒享

肅光孝祀

威藹四靈

洞曜三光

皇德全被

大禮流昌

皇帝升壇奏登歌辭

報惟事天

祭實尊靈

史正嘉兆

神宅崇禎

五時昭嘒

六宗彝序

介丘望塵

皇軒肅舉

皇帝初獻奏文德宣烈之樂

營泰時

定天衷

思心緒

謀筵從

此下除二句

田燭置

燧火通

大孝昭

國禮融

此一句改餘皆顏辭此下又除二十二句

次奏武德宣烈之樂

功燭上宙

德耀中天

風移九域

禮飾八埏

四靈晨炳

五緯宵明

膺麻締運

道茂前聲

太祖高皇帝配饗奏高德宣烈之樂此章永明二年造奏

尙書令王儉辭

饗帝嚴親

則天光大

寫奕前古

榮鏡無外

日月宣華

卿雲流靄

五漢同休

六幽咸泰

皇帝飲福酒奏嘉胙之樂

嚳嘉禮

承休錫

盛德符景緯

昌華應帝策

聖藹耀昌基

融祉暉世麻

聲正涵月軌

書文騰日迹

寶瑞昭神圖

靈貺流瑞液

我皇崇暉祚

重芬冠往籍

送神奏昭夏之樂

薦饗洽

禮樂該

神娛展

辰旒回

洞雲路

拂璇階

紫霧藹

青霄開

繼皇都

顧玉臺

留昌德

結聖懷

皇帝就燎位奏昭遠之樂

天以德降

帝以禮報

牲饗俯陳

柴幣仰燎

事展司采

敬達瑄黼

煙贊青昊

震颺紫場

陳馨示策

肅志宗禋

禮非物備

福唯誠陳

皇帝還便殿奏休成之樂重奏

昭事上祀

饗薦具陳

回鑾轉翠

拂景翔宸

綴縣敷暢

鍾石昭融

羽炫深暑

簫韶行風

肆序輟度

肅禮停文

四金聳衛

六馭齊輪

右南郊歌辭

北郊樂歌辭案周頌昊天有成命郊祀天地也是則周漢以來祭天地皆同辭矣宋顏延之饗地神辭一篇餘與南郊同齊北郊羣臣入奏肅咸樂牲入奏引牲薦豆毛血奏嘉薦皇帝入壇東門奏永至飲福酒奏嘉胙還便殿奏休成辭並與南郊同迎送神昭夏登歌具

迎地神奏昭夏之樂

韶禮崇營

敬饗玄時

靈正丹帷

月肅紫墀

展薦登華

乾隆四年校刊

南齊書卷十一樂志

三

風縣凝鏘

神惟戾止

鬱葆遙莊

昭望歲芬

環游辰太

穆哉尙禮

橫光秉藹

皇帝升壇登歌

仁靈敬享

禮肅彝文

縣動聲儀

薦絜牲芬

陰祇以貺

昭司式慶

九服熙度

六農祥正

皇帝初獻奏地德凱容之樂

繕方丘

端國陰

掩珪暑

仰靈心

詔源委

過丘林

八句

禮獻物

樂薦音

此下除二十二句餘皆韻辭

次奏昭德凱容之樂

慶圖潛邈

蘊祥祕瑤

俛大炳月

嬪光紫霄

邦化靈懋

闡則風調

儷德方儀

徽載以昭

送神奏昭夏之樂

薦神升

享序琳

淹玉俎

停金奏

寶旃轉